

Oeise Lade 11-2013, p. 62

In salid *rumantsch*

16/24, pia 2/3 da mia vita! Quai è strusch da crair, uschè ditg vom jau gia a scola. Atgnamain stuess quai esser la chaussa la pli normala per mai e tuttina sun jau a la fin da minga semester adina puspè ina sco ina toffa en ina laterna, perquai che jau sai che ma spetgan ils proxims examens. Ina giada che quels èn fatgs pens jau adina che tut saja stà mo mez uschè nausch, ma il temp avant pon ins strusch duvrar mai.



La bavronda
magica

Bun che jau hai in recept uschè vegl sco paun e latg (e quel ha propri da far insatge cun latg) per ma calmar la saira avant ils examens. Jau hai la disa da stgaudar ina cuppina latg, d'agiunscher in tschadun mel d'avieuls e da truschar fin ch'il mel è luà. Sche jau hai anc in rest groma tratga, survegn la cuppina latg anc ina bella chapitschina. Tut tenor gust springel jau anc in zic pulvra da chanella suravi e finida è mia bavronda magica. Suenter mes sitg da buna notg poss jau metter d'ina vart mes quitads, durmir sco in tais e l'auter di vegnir or da letg plain motivaziun ed energia per far ils examens. E savais tge? Fin ussa ha la bavronda magica adina fatg ses duair.

Ma insatge stoss jau anc confessar a Vus: il latg cun mel d'avieuls gusta uschè bain ch'i fiss donn d'al baiver mo avant ils examens.

Marina Wyss

Marina Wyss